

25.06.2025

Inatsisartut suleriaasianni § 37, imm. 1 naapertorlugu, matumuuna Naalakkersuisunut imaattunik apeqquteqarpunga:

Naalakkersuisunut apeqqutit:

1. Naatsorsuutit akuerineqarnikuni kingulliusoq naapertorlugu, "Nalik Ventures A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat?
2. Ukiut siulii naatsorsorsinnaasat tamakkerlugit katikkaanni, "Nalik Ventures A/S" ingerlatsiviilu ataaniittut katillugit qanoq annertutigisumik "Grønlands Erhverv"-imut aningaasartuuteqarnikuuppat? Uani, naatsorsuuseriaaseq naapertorlugu, minnerpaamik ukiut 5 kingulliit katillugit akeqquneqarput.

(Inatsisartunut ilaasortaq Pele Broberg, Naleraq)

Tunngavilersuutit:

Suliffeqarfiutigit kiisami ammasumik isertuaatsumillu ingerlatsisinnaalerniassammata, ingerlatsivillu inuiaqatigiinnit tamakkiisumik pigineqartoq "Nalik Ventures A/S" qanoq annertutigisumik namminersortut soqutigisaannik anguniagallit kattuffiannut "Grønlands Erhverv"-imut aningaasartuuteqartarnersoq paasisinnaalerniassagatsigu, apeqqutit ukua ingerlateqqinneqarput.

Apeqqutigineqartut ullut suliffiusut qulit (10) iluanni allakkatigit akineqareersimanissaat piumasarineqarpoq. Oqaatsinik nutserisimanermi paatsuungasoqassatillugu kalaallisut allassimasoq aallaavigineqassaaq.



Inatsisartunut ilaasortaq, Pele Broberg, Naleraq
/Maani

§ 37 naapertorlugu apeqquummut nr. 2025-80-imut akissut

Inatsisartut Suleriaasianni § 37, imm. 1 naapertorlugu Kalaallit Nunaanni Sulisitsisunut aningaasartuuteqartarneq pillugu Naalakkersuisunut apeqquteqarputit.

Apeqqutigineqartut tullinnguuttuni akineqarput.

Apeqqut 1. Naatsorsuutini akuerineqarnikuni kingulliusoq naapertorlugu, "Nalik Ventures A/S" ingerlatsiviilu ataaniittut katillugit qanoq annertutigisumik "Grønlands Erhverv"- imut aningaasartuuteqarnikuuppat"?

Akissut: Matumani § 37 naapertorlugu apeqqutigineqartut akinissaannut atugassanik Nalik Ventures A/S-imit akissutissanik pissarsiniartoqarsimavoq, imatullu akissuteqarpoq:

"Nalik Ventures A/S, Nalik Capital A/S aamma Nalik Startup A/S 2024-mi katillugit 92.729,00 kr.-nik Kalaallit Nunaanni Sulisitsisunut aningaasartuuteqarput."

Apeqqut 2. Ukiut siulii naatsorsorsinnaasat tamakkerlugit katikkaanni, "Nalik Ventures A/S" ingerlatsiviilu ataaniittut katillugit qanoq annertutigisumik "Grønlands Erhverv"- imut aningaasartuuteqarnikuuppat"? Uani, naatsorsueriaaseq naapertorlugu, minnerpaamik ukiut 5-it kingulliit katillugit akeqquneqarput.

Akissut: Matumani § 37 naapertorlugu apeqqutigineqartut akinissaannut atugassanik Nalik Ventures A/S-imit akissutissanik pissarsiniartoqarsimavoq, imatullu akissuteqarpoq:

"Ukiuni tallimani kingullerni, tassa 2020-2024-mi Nalik Ventures A/S, Nalik Capital A/S aamma Nalik Startup A/S katillugit 156.264,00 kr.-nik Kalaallit Nunaanni Sulisitsisunut aningaasartuuteqarput."

Inussiarnersumik inuulluaqqusillunga


Jens Frederik Nielsen

02-07-2025
Suliap normua 2025 - 391
All. normua. 22954855

Postboks 1015
3900 Nuuk
Oqarasuaat (+299) 34 50 00
Fax (+299) 32 50 02
Mail: govsec@nanoq.gl
www.naalakkersuisut.gl